



DI ALFONSO TOPI  
VIA...  
(FORLÌ) RIMINI

# PIÙ SVILUPPA L'INTELLETO UMANO

## più la **miseria** fa capolino.

### POESIA IN DIALETTO ROMAGNOLO

Gran giudizie chiè 'in te mond!  
 quel chei pensa ben a fond  
 an s' arriva a persued  
 che dop tent ritroved  
 fora d' quel d' no mai morì  
 c' avemma ancora da patì.  
 Sebben el' è e secol di lumm,  
 di lettered (sa ne tutt fumm)  
 per impossibil, ma eppur!  
 bsogna andè a dormì te scur.  
 Difatt e iè una gran miseria  
 da per tutt el'è una farseria:  
 Il dimostra in sufficienza  
 jistitud d' beneficenza  
 più osservè l' emmigrazioun  
 per e Brasil i qui da noun  
 e tralasamma da discorr  
 quest e taia la testa e torr.  
 E pu l' intreda stan la vonta  
 in abbondenza, ma se fronta  
 che fuss pas pu d' ian cattiv  
 an saresme niench più viv.  
 Diffatt i frutt lai da la tera,  
 l' elta roba la ne chera,  
 a ti pan an spandì quel  
 con un french a fe un capel,  
 calzoun, corpett, tutt e vistid  
 sa andè do chià fallid  
 con tri french a comprè tutt  
 roba bona e pu i ne brutt!  
 E sarà la spesa basa?...  
 eppur... in oggi a sem na masa  
 che s' armedia molt-appena  
 la clazion prima dla zena!..  
 Com sarala sta fazenda?...  
 poch i ne chi la comprenda.

Me ca vagh in qua in là  
 per i paes per al zittà  
 a vend la stempa a declamè  
 am pies tent volt da ragionè  
 con e sgnior con e villen  
 per sentì tutt al campen.  
 Un viciot d' un contadein  
 am diss in oggi cla va bein  
 che caland la raligion  
 con tenta poca educazion  
 a niè feda o nè coscienza  
 e di qui la conseguenza  
 ca sarein sempre puritt  
 pin d' malan e sempre afflitt.  
 Parland pu s' un possident  
 am la a ditta different:  
 Am diss, che tutt i più spianted  
 i vo scapè me da e su sted,  
 chià un' idea tropa stramba  
 da fe i pas più long dla gamba,  
 ca sem ench arduitt na masa  
 specialment la zenta basa  
 che la tera l' an da frutt  
 da potè guarnè ma tutt.  
 Ognun a ditt la su opinion.  
 chi è di du cavrà rason?...  
 Tent e ricch com e puvrett  
 ià trovè du bel diffett.  
 ma nissun a trov la vena  
 di nost guai dla nest' arvena.  
 Me sebben ca ho poch inzegu  
 a vidri ca coi te segn  
 per chi motiv per che rasonn  
 ca sem anded a te palloun:  
 ( ioperai però am intend  
 miga qui ca e gren da vend).



La prima causa la più trista  
ca colpì dirett l'artista  
le sto al macchine chià fat  
l'operai e fu disfat:  
al là ingolè tutt e lavor  
Un mittimma e diventa signior  
e zent puvritt chi lavoreva  
a ben o mol tent i campeva  
ià finì tutt a tun fos  
chi se arducc a pel e os.  
Qualdun la macchina i ritein  
che per l'om e sia un bein  
come istrument d' produzion  
ela benefica più d'un ;  
Sarea un util generel  
se in bottega, in arsenel  
ela fussa d' su proprietà  
d' ioperai in società;  
e da la macchina ch' lavora  
e guadagn che scapa fora  
e sàbat sera ossia la festa  
chil partiss un tent a testa:  
invèc sol per e padron  
id al bitech e i maccaroun  
e per ielt povre operai  
un po d' polenta con di guai:  
donca al machin per ades  
sli ni fuss sarea intores.  
Un enta piega più profonda  
l' è l' eterna baraonda  
di Faqua... chià e giurament  
che s' incontra cl' istrument  
ca invantè da fe fadiga  
il fa moliga per moliga  
Cridiv che quist i sia un !...  
i sarà più d' vent miglioun  
in Italia, an digh per scherz  
a sem i le vers i du terz:  
o sta zenta chii mantein?  
ioperai, i contadein,  
insomma tutt i produttor  
chi s' consumma te lavor.  
E per mantnè sta zenta grasa  
sempre tasa sora tasa...  
per quest i piccol possident  
i sparisc l' istess de vent,

i s' arducc i contadein  
dispered senza quattrein,  
a sfid d' iarcoll i ciapa poch  
e s' iarmedia qualch bajoch  
i ni basta pi taioun  
in to a zorneda ma nissun,  
e sia dura andè d' sto mod  
nionch l'artist en bat un ciod  
Qu' i ch' potrea de e lavor  
che sarebb tutt quant i signior  
al savem ele di bigat  
chi va a comprè tutt bell' e fat?  
e ioperai, tutt i puraz  
chi sgrazied chi chêmpe d' braz  
quand ia menca la zorneda  
si fuss enca ste un intreda  
tre volt più ca ne chiè stè  
i tecca sempre tribalè.  
Per quest an conta un azzident  
ne l' inzein e ne e talent  
sevnis fora ench Salamon,  
a ne questa la question!..  
Chi vo scioi ben e broblema  
i voi es un ent sistema  
in società, ben different  
da quel ca em presentement  
com a sper che venga prest;  
se tardas un po' de rest  
sarà cheusa dl' ignoranza  
non per quest me a ho speranza  
sebben ca ho i cavil canud  
nenz ca mora che sia vnud  
Allora se a sarein content  
a starein allegrament  
tra d' noielt ac vorren bein  
a lavrem e pen e vein  
a fadigarein d' bona voia  
e all' Inferne tutt i boia.  
Ragaz! an voi la carità  
che sarea una viltà.  
sta canzona le un lavor  
can la fat un professor  
ma sa cridì che vaga bein  
lasem un sold per un quintein.

G. VILLA

Proprietà letteraria